

Linguae suae cognitionem habet, protecta haec
inscriptio neutiquam est. Quid si vero prorsus
confictam & supposititiam eandem nuncupa-
remus? nihil sane a veritate dixerimus alie-
num, quemadmodum ficta huiusmodi Judaeo-
rum monumenta passim extant. Talia quae-
dam (pro antiquissimis venditata) eruta ferun-
tur prope Viennam in pago Gumpendorff,
quorum unum annos a Creat. refert MMDLX.
nimis sane aperto mendacio, Inscriptio haec
est:

מרדכי נבון הגדול בשנת

מ'בריאת עולם א"א ק"ה ס

MARDOCHAI VIR FORTIS, ET MA-
GNUS, (mortuus sc. & sepultus est,)

ANNO A CREAT. MUNDI MMDLX.

Adeoque post latam Legem Anno DLX.

Aliud quoddam EPHRAIMI Sacerdotis
Epitaphium, in agro quoque Viennensi eru-
tum, annos a condito Mundo MMMDCCC-
XCIX. exhibet. Sic monumentum illud Judai-
cum, (pro cuius γνησιότητι pugnat *Villalpandus*,
Tom. II. p. II. in Ezech. p. 544.) ad Arcis Sagun-
tinæ portam, seculo superiori effossum, & A-
DONIRAMO Salomonei ærarij præfecto po-
situm.